



*Maršala Tita 25, 71000 Sarajevo*

**Broj: 150-15-4-1711- 8 /21 SAK**  
**Sarajevo, 08.10. 2021. godine**

Na osnovu člana 70. stav (1) i (3) Zakona o javnim nabavkama („Službeni glasnik BiH“, 39/14), člana 50. stav (1) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i broj: UV-122-01-1-1045-11/21 od 28. aprila 2021. godine, člana 13. stav (2) tačka b), člana 43. stav (1) i člana 45. stav (2) Pravilnika o javnim nabavama, broj: UV-150-01-1-1467-3/20 od 27. jula 2020. godine, guverner Centralne banke Bosne i Hercegovine donosi

### **ODLUKU**

**o izboru najpovoljnijeg ponuđača u postupku javne nabavke radova – rekonstrukcija ravnog krova i zida u podrumu objekta Centralne banke Bosne i Hercegovine – Glavne jedinice Sarajevo**

#### **Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku radova – rekonstrukcija ravnog krova i zida u podrumu objekta Centralne banke Bosne i Hercegovine – Glavne jedinice Sarajevo, putem otvorenog postupka, dodjeljuje ponuđaču EKO – GRADNJA d.o.o. Sarajevo, u svemu prema Ponudi broj: 02/09/21 od 16.09.2021. godine.

#### **Član 2.**

Ponuda ponuđača iz člana 1. ove odluke, glasi na iznos od:

16.599,17 KM bez uračunatog PDV-a

(slovima: šesnaesthiljadapetstotinašesdesetdevet konvertibilnih maraka i 17/100)

odnosno

19.421,02 KM sa uračunatim PDV-om

(slovima: devetnaesthiljadačetiristotinedvadesetjedna konvertibilna marka i 02/100).

#### **Član 3.**

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Centralna banka Bosne i Hercegovine – Glavna jedinica Sarajevo (u daljem tekstu: Glavna jedinica Sarajevo).

#### **Član 4.**

Centralna banka će o rezultatima provedenog postupka javne nabavke obavijestiti ponuđače.

#### **Član 5.**

Za realizaciju ove odluke zadužuju se Odjeljenje za javne nabavke, Glavna jedinica Sarajevo i Odjeljenje za računovodstvo i finansije Centralnog ureda Centralne banke Bosne i Hercegovine.

## Član 6.

Ova odluka će se objaviti na web stranici Centralne banke Bosne i Hercegovine, [www.cbbh.ba](http://www.cbbh.ba), istovremeno sa upućivanjem obavještenja o rezultatima postupka ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama ("Službeni glasnik BiH", broj 39/14).

### O b r a z l o ž e n j e

Postupak javne nabavke radova – rekonstrukcija ravnog krova i zida u podrumu objekta Centralne banke Bosne i Hercegovine – Glavne jedinice Sarajevo, putem otvorenog postupka, pokrenut je Odlukom o pokretanju postupka, broj: 150-15-4-1711-3/21 MM od 17. augusta 2021. godine. U skladu s tim, sačinjena je tenderska dokumentacija i Centralna banka je 31. augusta 2021. godine na portalu Javnih nabavki objavila Obavještenje o nabavci broj: 1370-1-3-391-3-240/21.

U predviđenom roku za prijem ponuda, odnosno do 16. septembra 2021. godine blagovremeno su dostavljene ponude ponuđača:

1. EKO- GRADNJA d.o.o. Sarajevo i
2. FLOORING d.o.o. Sarajevo.

Komisija za provođenje postupka javne nabavke je izvršila pregled i ocjenu ponuda i konstatovala da ponuda ponuđača FLOORING d.o.o. Sarajevo ne ispunjava sve uslove tražene tenderskom dokumentacijom. Ponuđač je dostavio neovjerenu Izjavu o ispunjenosti uslova iz člana 45. stav (1) tačkica od a) do d) Zakona o javnim nabavkama – Aneks 3 tenderske dokumentacije. U tenderskoj dokumentaciji je, (tačka 1.2, Odjeljak C), jasno naznačeno da je ponuđač dužan dostaviti "popunjenu i ovjerenu, kod nadležnog organa, Izjavu koja je sastavni dio ove tenderske dokumentacije i nalazi se u prilogu – Aneks 3 tenderske dokumentacije". Ponuđač je dostavio i neovjerenu Izjavu iz člana 52. Zakona o javnim nabavkama. U Aneksu 5. tenderske dokumentacije je naznačeno mjesto potpisa i pečata nadležnog organa. Izjave ovjerava nadležni općinski organ uprave ili notar. Tenderskom dokumentacijom je traženo dostavljanje Izjave o angažovanju inženjera arhitekture ili građevine uz dostavljanje diplome (original ili ovjerena kopija). Ponuđač je dostavio traženu Izjavu i diplomu, međutim na kopiji diplome nije moguće utvrditi ime i prezime osobe navedene u Izjavi.

U ponudi ponuđača EKO – GRADNJA d.o.o. Sarajevo je uočena računaska greška, te je od ponuđača traženo prihvatanje iste. Ponuđač je prihvatio ispravku računaska greške i Centralnoj banci dostavio Izjašnjenje na računsku grešku. Ponuda ponuđača EKO-GRADNJA d.o.o. ispunjava sve uslove tražene tenderskom dokumentacijom.

Shodno navedenom, Komisija za provođenje postupka javne nabavke je u u svom Zapisniku o pregledu i ocjeni ponuda, broj: 149-15-4-1914-6/21 od 22. septembra 2021. godine i Izvještaju o radu komisije sa Preporukom broj: 149-15-4-1914-7/21 od 22. septembra 2021. godine dala preporuku za donošenje odluke kao u dispozitivu.

### **Pouka o pravnom lijeku:**

Protiv ove odluke može se u pisanoj formi uložiti žalba Centralnoj banci Bosne i Hercegovine u roku od 10 (deset) dana od dana prijema ove odluke.

Dostaviti:

- učesnicima u postupku
- guverneru
- viceguvernerima
- uredu glavnog internog revizora
- komisiji za nabavku
- Odjeljenju za računovodstvo i finansije (original)
- Glavnoj jedinici Sarajevo
- Odjeljenju za javne nabavke (original)
- u spis predmeta (original)
- arhiva



**GUVERNER**  
**dr. Senad Softić**